



Вазирликнинг 2021 йил “3” май даги
208 -сон буйруғига 8-илова

“Мен нечун севаман Ўзбекистонни” мавзусидаги танлов НИЗОМИ

I. Умумий қоидалар

1. “Ўзбекистон Республикаси Олий ва ўрта махсус таълим вазирлиги тизимида 2021 йилда ёшларга оид давлат сиёсатини амалга ошириш бўйича чора-тадбирлар дастури”нинг (2021 йил 29 январда тасдиқланган) 16-бандида белгиланган вазифалар Китоб мутолааси ва китобхонлик маданиятини ошириш борасидаги тарғибот-ташвиқот ишларини самарали ва тизимли ўтказиш мақсадида олий таълим муассасаларида “Мен нечун севаман Ўзбекистонни” мавзусида иншолар танлови ташкил этилади.

2. “Мен нечун севаман Ўзбекистонни” мавзусидаги танловга олий таълим муассасаларида тахсил олаётган талабалар ўзларининг ижодий ишлари билан ишпирок этади.

3. Танловнинг олий таълим муассасаси босқичини ташкил этиш ва ўтказиш жараёни олий таълим муассасаларининг Ёшлар масалалари ва маънавий-маърифий ишлар бўйича проректор томонидан амалга оширилади.

II. Танловнинг мақсади ва вазифалари

4. Танлов – ёшлар ўртасида китоб мутолааси ва китобхонлик маданиятини ошириш борасида тарғибот-ташвиқот ишларини самарали ва тизимли ташкил этиш, олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, ёшларимизни ҳар томонлама соғлом ва баркамол этиб тарбиялаш, ўз иқтидорларини намойиш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни қўллаб-қувватлаш мақсадида ташкил этилади.

5. Танловни ташкил этиш орқали қуйидаги вазифалар бажарилиши кўзда тутилади:

ёшлар ўртасида китоб мутолааси ва китобхонлик маданиятини ошириш борасида тарғибот-ташвиқот ишларини самарали ва тизимли ташкил этиш;

олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш;

ёшларимизни ҳар томонлама соғлом ва баркамол этиб тарбиялаш, ўз иқтидорларни намойиш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни ҳар томонлама ривожлантириш;

ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялашдан иборат.

III. Танловни ўтказиш босқичи ва муддатлари

6. “Мен нечун севаман Ўзбекистонни” мавзусидаги танлов уч босқичда ўтказилади.

Биринчи босқич – олий таълим муассасасининг факультетлари академик гуруҳлари талабалари ўртасида жорий йил май ойининг 10-20 кунлари ўтказилади.

Иккинчи босқич – олий таълим муассасаси микёсида факультетлараро уларнинг ғолиблари ўртасида май ойининг 21-25 кунлари ўтказилади.

Учинчи босқич (яқуний) – республика олий таълим муассасалари ғолиблари ўртасида июнь ойининг 2-10 кунлари ўтказилади.

IV. Танловни ташкил этиш ва ўтказиш

7. Танловнинг биринчи ва иккинчи босқичини ўтказиш бўйича олий таълим муассасаси ректори ва директори буйруғи билан Ишчи гуруҳи ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар хайъати тузилади.

8. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

9. Танловнинг учинчи босқичини ташкил этиш ва ўтказиш Олий ва ўрта махсус таълим вазирлиги қошида ташкил этилган вазирлик Ишчи гуруҳи томонидан амалга оширилади. Танловнинг якуний босқичи ғолибларини аниқлаш бўйича Ҳакамлар хайъати тузилади.

V. Танлов шартлари ва баҳолаш мезонлари

10. Танловга тақдим этиладиган иншолар қуйидаги мезонларда баҳоланади:

мавзунинг мазмун-моҳияти тўлақонли очиб берилганлиги;
ижодий ишларнинг стилистик ва грамматик жиҳатдан тўғри ёзилганлиги;
мавзун ёритишда адабиётлардан фойдаланганлик даражаси ва таҳлилий ёндашувлар;
мустакил фикрларнинг аниқ билдирилганлиги;
мавзун ёритишга ўзига хос ижодкорлик хусусиятлари ифода этилганлиги.

11. Ҳар бир мезон 10 баллик тизим асосида баҳоланади (жами 50 балл) ҳамда иншолар талабалар томонидан ёзма шаклда баён этилади.

VI. Ҳужжатларни тақдим этиш тартиби

12. Республикадаги олий таълим муассасаларида ғолиб бўлган, 1-ўринни эгаллаган талабанинг ҳужжатлари (*ОТМ Ишчи гуруҳи баённомаси ва қарори, ғолиб бўлган талабанинг ижодий ишлари*) вазирлик Ишчи гуруҳига жорий йилнинг 28 май кунига қадар 1 нусха ёзма, 1 нусха электрон вариантда (вазирлик ҳузуридаги Маънавият ва маърифат марказига Д.Абдуллаева тел: 97 149-73-10) тақдим этилади.

13. Танловга тақдим этиладиган мақолалар компьютер Word дастурида, Times New Roman 14 шрифтида 1 интервалда, чапдан 30 мм, ўнгдан 15 мм, юқори ва пастдан 25 мм жой қолдирган ҳолда ёзилган бўлиши ҳамда матнлар илмий, техник, стилистик таҳрир қилинган бўлиши шарт. Ижодий ишларнинг электрон нусхасида талабаларнинг ўқиш жойи, факультети, курси ва таълим йўналиши тўлиқ кўрсатилади, 2 - ёзма нусхасида ўқиш жойи, факультети, курси ва таълим йўналиши кўрсатилмайди.

14. Юқоридаги талабларга жавоб бермайдиган ижодий ишлар қабул қилинмайди.

VII. Танлов ғолибларини тақдирлаш

15. Танловнинг биринчи ва иккинчи босқичида юқори (1, 2, 3) ўринларни эгаллаган талабалар олий таълим муассасаси томонидан махсус диплом ва қимматбаҳо совғалар, шунингдек, танловда фаол иштирок этган талабалар таълим муассасасининг фахрий ёрлиқлари билан тақдирланади. Юқори (1, 2, 3) ўринларни эгаллаган талабаларнинг ижодий ишлари таълим муассасаси веб-сайтлари, газета ва журналларида ёритилади.

16. Танлов бўйича учинчи босқичда ғолиб бўлган талабалар Олий ва ўрта махсус таълим вазирлигининг фахрий ёрлиғи ҳамда қуйидаги тартибда пул маблағлари билан рағбатлантирилади:

1-ўрин – 3000 000 (уч миллион) сўм;

2-ўрин – 2000 000 (икки миллион) сўм;

3-ўрин (2та) – 1000 000 (бир миллион) жами 2000 000 сўм.

17. Учинчи босқичда ғолиб бўлган талабаларни рағбатлантириш Олий ва ўрта махсус таълим вазирлигининг Олий таълим муассасаларини ривожлантириш жамғармаси ҳисобидан молиялаштирилади.

VIII. Якуний қоидалар

18. Танловга келиб тушган ҳужжатлар қонун ҳужжатларида белгиланган тартибда 1 йил муддат давомида сақланади.

19. Танлов иштирокчиси (бошқа шахс) томонидан танловнинг якуний босқичини ташкил этиш ва ўтказиш, шунингдек, унинг натижаси билан боғлиқ мурожаат (эътироз)лар қабул қилинмайди.